



**ATASSUT**

**UPA2015/110-1**

**Siverth K. Heilmann**

**29.04.2015.**

**Naalakkersuisut ikiaroorntunik Kalaallit Nunaannut eqqusuinermik akiuiniarnerup nakussassarneqarsinnaanera pillugu kingusinnerpaamik UKA2016-imi nassuiaammik saqqummiussinissaannik pisussaaffilerneqarnissaannik Inatsisartuni aalajangiiffigissassatut siunnersuut. Tassani allaaserineqassaaq ikiaroorntunik eqqusuinermik akiuineq qanoq nakussassarneqarsinnaanersoq, tassani ilanngullugu tamanna pillugu qallunaat naalakkersuisuinik isumaqatiginninniarneq. Nassuiaammi aallaaserineqassaaq suliniutit qanorpiaq ittut atorlugit Kalaallit Nunaannut avataaniit tikittunik, pisattanik nassiuksanillu nakkutilliineq pitsaanerulersinneqarsinnaanersoq, tamatumalu aningaasaqarnermut inuiaqatigiinnullu sunniutai suussanersut.**

(Inatsisartunut ilaasortaq Agathe Fontain, Inuit Ataqtigiit)

Inatsisartuni ilaasortap Agathe Fontain Inuit Ataqtigiit aalajangiiffigissassatut siunnersuutaanut imatut naatsunguamik ATASSUT-miit oqaaseqaateqassaaq.

ATASSUT-miit siunnersuuteqartoq suliamut uunga qulequtsiussaamut tunngavilersuutaanullu isumaqataalluinnarpugut, taamaattumillu aamma Naalakkersuisut akissutaanni erserpoq, hasthimik atornerluinermik akiuiniarnermi periusissatut pilersaarut, ukioq manna kingusinnerusukkut tamanut saqqummiunneqartussaq Naalakkersuisuni inaarsarneqaleruttortoq inatsisartunullu agguanneqassasoq naqissuserneqarluni.

Naalakkersuisut akissutaanni ersippoq, scannerummik Kangerlussuarmi inissinneqartussamik neqeroortoqarsimasoq pilersaarutaasorlu 2016-ip ingerlanerani ikkussorneqarnissaa. Taamammat ATASSUT-miit isumaqarpugut ataatsimiititaliamut ingerlatinngikkaluarlugu aappassaaneerineq taamatut isikkoqarluni pilersaarutaasutut naammassineqarsinnaasoq.